

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Broj: 02-36-704/17
Čelić, 16.06.2022.godine

JAVNI POZIV

za odabir korisnika za dodjelu stambene jedinice u Stambeno - poslovnom objektu izgrađenom u okviru Projekta "Zatvaranje kolektivnih centara i alternativnog smještaja putem osiguranja javnih stambenih rješenja"

Projekat "Zatvaranje kolektivnih centara i alternativnih smještaja putem osiguranja javnih stambenih rješenja - CEB 2" provodi se u gradovima i općinama Bosne i Hercegovine, među kojima je i općina Čelić.

Projekat "CEB-2" implementira Ministarstvo za ljudska prava i izbjeglice Bosne i Hercegovine putem nadležnih entitetskih ministarstava, organa lokalnih vlasti, te resornih kantonalnih ministarstava/uprava u Federaciji BiH i UNHCR-a.

U okviru navedenog Projekta na području općine Čelić, u naseljenom mjestu Brnjik, ulici Ahmeta Trakoševića bb, izgrađen je STAMBENO-POSLOVNI OBJEKAT. Objekat se sastoji od 18 stambenih jedinica i dva poslovna prostora, različitih površina. Radovi na unutrašnjem uređenju objekta i vanjskom uređenju zemljišta su u završnoj fazi.

Lista korisnika prava na stambeno zbrinjavanje verifikovana je od strane Komisije za verifikaciju. Obzirom da je od verifikacije liste korisnika prošao duži period te da su neki od korisnika preselili u druge općine/gradove, zatim, otišli van granica države Bosne i Hercegovine i da su neki preselili/umrli, potrebno je da se stambene jedinice popune sa novim korisnicima.

Pravo na dodjelu stambene jedinice imaju potencijalni korisnici koji ispunjavaju opće i posebne kriterije.

I- OPĆI KRITERIJ ZA ODABIR KORISNIKA

- Opći kriteriji/uslovi za utvrđivanje potencijalnih korisnika za dodjelu stambenih jedinica su:
- da je raseljeno lice, interno raseljeno lice, povratnik, izbjeglica ili drugo socijalno ugroženo lice,
 - da ima prijavljeno prebivalište/boravište na teritoriji općine Čelić,
 - da podnosilac zahtjeva i članovi njegovog domaćinstava nisu vlasnici/suvlasnici ili posjednici/suposjednici stambene jedinice na teritoriji BiH i u zemlji porijekla koja se smatra uslovnom za stanovanje,
 - da korisnik nije dobrovoljno raspomagao svojom stambenom jedinicom iz 1991.godine (prodaja, zamjena, poklon).

Ispunjavanje općih kriterija dokazuje se potvrdom/uvjerenjem nadležnog organa i potpisanom i ovjerenom izjavom podnosioca prijave uz saglasnost podnosioca prijave za proslijeđivanje ličnih i ostalih podataka u cilju provjere tačnosti i vjerodostajnosti, uključujući i provjere po službenoj dužnosti.

Podnosioci zahtjeva su dužni dostaviti i dokaze o ispunjavanju **posebnih kriterija** :

1. Podnosilac zahtjeva i članovi njegovog porodičnog domaćinstva žive u uslovima koji su ispod utvrđenog stambenog minimuma , dokazuju potvrdom lokalne zajednice na čijem području živi.

Podnosilac zahtjeva i članovi njegovog porodičnog domaćinstva koji žive u alternativnom smještaju dokazuju rješenjem nadležnog organa o vrsti alternativnog smještaja, stanovanje sa drugim porodicama i postanarstvo dokazuje se izjavom ovjerenom kod nadležnog organa ili ugovorom o podstanarskom odnosu.

2. Podnosilac zahtjeva ili bilo koji član zajedničkog domaćinstva pripada jednoj od kategorija kao što su:

- a) osobe sa tjelesnim invaliditetom/onesposobljenjem, civilna žrtva rata i dr. oboljenja (**Rješenje/Uvjerenje nadležnog organa,specijalistički nalaz**),
- b) korisnici socijalnih davanja (**Rješenje/Uvjerenje Centra za socijalni rad**),
- c) samohrani roditelji, staratelji ili hranitelji porodice i žrtve porodičnog nasilja (**Rješenje/Uvjerenje Centra za socijalni rad**),
- d) Nezaposlene osobe (**Potvrda Zavoda za zapošljavanje ili Izjava da nije u radnom odnosu**)
- e) Penzioneri (ček od penzije)
- f) Dokaz o brojnosti zajedničkog domaćinstva: Ovjerena kućna lista od strane nadležno organa.

Popunjeni obrazac prijave sa pratećom dokumentacijom (orginal ili ovjerene fotokopije) kojom se dokazuje ispunjavanje općih i posebnih kriterija, dostaviti u zatvorenoj kovrti na protokol općine.

Javni poziv ostaje otvoren do ponedjeljka, 27.06.2022.godine.

OPĆINSKI NAČELNIK

Admir Hrustanović

